

Ny Valosoa sy hadihady

Fanadinana bakalôrea

Tokony hosaziana ireo nandray fepetra, afaho ireo tsy manan-tsiny

Natao kaofiraoka ary nalefa sy notanana eny amin'ny fonjan'Antanimora vonjimaika ny maro tamin'ireo noheverin'ny fitondrana ho namoaka ny lazadina, indrindra tamin'ny lazadina tantara-geografia, tamin'ny fanadinana bakalôrea ankapobeny iny. Tena nanao izay avokoa ve izy ireo ? Tsapa ho maika mihitsy ny fitondrana izay ao ambadiky ny fit-sarana nanao fanadihadiana sy famotorana ireo rehetra voakasika tamin'izany fanomanana sy fikarakana ny lazadina bakalôrea iny. Tsy lavina, mila fajzina tokoa izay nemoaka lazadina mialoha ny fotoana amin'ny fanadinam-panjakana bakalôrea toy ireny. Mila tandremana kosa izany, ho an'ireo tsy manantsiny, fa natao tao anaty kitapo iray fotsiny amin'izao izy ireo, ialâna amin'ny fijery sy ny kiana ataon'ny olom-pirenena. Ho an'ny mpamakafaka dia tsy tokony hijanona amin'ireo nanomana ny lazadina ihany fotsiny ny sazy tamin'ny fanadinana iny raha tena nanao izany tokoa izy ireo. Tsy tokony ho afa-bela amin'izany ihany koa ireo tomponandraikitra eo anivon'ny minisitera, sy indrindra ireo rehetra izay nandray fepetra nanemotra ny ora niatrehan'ny mpi-anatra ny fanadinana tantara-geografia, fa tena hadisoana bevava iny firavan'ny mpianatra avy ananao fanadinana tamin'ny alina be iny. Raha mahalala sy mahafantatra marina ny lanjan'io taranja io dia tsy ho nandray fepetra nanemorana ny ora, ka zary lasa nampijaly ny mpiadina sy ireo ray aman-drenin'izy ireo ihany koa. Niaraha-nahita sy nahalala tsara ny

nanjo azy ireo, hatramin'ny mpiadina voaendaka nan-deha nody ny alimbe, ny fahorian-tsain'ireo ray aman-dreny izay voatery niandry sy nitsena azy ireo, ny harerahan'ny mpiadina (ara-tsaina sy ara-batana) niatrika indray ny tohin'ny fanadinana ny ampitso mairaina. Tsy mbola nisy mafy toy izany hatramin'izay niatrehan'ny mpiadina fanadinana raha tsy tamin'ny handrasana fepetra noho ny tranga nisy iny. Araka izany dia tsy tokony ho afa-maina fotsiny amin'izao ireo rehetra tomponandraikitra nandray iny fepetra iny, fa nampahory ny zana-bahoaka izy. Ny fampijaliana mpianatra toy izany tsy tokony ho vita mora amin'izao. Ny minisitra aza, raha tena mahatsiaro ho tomponandraikitra tokoa, dia mameatra-pialâna, fa tsy mianona amin'ny fitadiavana izay rangory fototry ny afo fotsiny nahatonga ny vivoahan'ny lazadina toy izany. Raha tena mpampianatra sy mpanabe marina amin'ny taranja tantara-geografia ihany koa, fa tsy santsariny na ireo misababaka amin'ny fihazonana taranja hafa, dia mila mijoro sy manebo ny hasarotam-piarony amin'ity taranja ity. Tsy manambany ny taranja hafa akory, samy manana ny lanjany, ary ny taranja tantara-geografia, dia manefy ny zatovo sy tanora hijery sy hisaina ary handinika ny fiaian-piarahamonina eto amin'ny firenena sy manerana izao tontolo izao. Manana ny maha izy azy tanteraka araka izany ity taranja iray ity eo amin'ny seha-pampianarana.

Aris

Antso Fiarahamonina Kristiana (AFK)

Tsy voafehin'ny fitondrana koa ny fandaminan-drahara

Miverina mizara vatsy indray ho an'ny mponina heverina fa sahirana ny fitondrana amin'izao fotoana izao. Toe-javatra nataony nanomboka ny taona 2020 izany, rehefa niditra tamin'ny fihibohana ny firenena, ka nisa-fotofoto ny fihariam-bahoaka ary nikatso ny toekarem-pirenena. Tao anatin'izany fitsinjarana izany anefa dia nisy ny lesoka toy ny korontana teo amin'ny vahoaka nizarana sakafo, na teo ihany koa ny ampanhan'ny vahoaka tokony hisitraka izany kanefa tsy nahazo ny an-jarany. Ho an'ny nihararan'izany na ireo olom-pirenena hafa, dia nisy ny familihana ankolafin'olona. Ho an'ny mpamakafaka ihany koa anefa dia nahita fa teo amin'ny fitantanana amin'ny fahaiza-mandamina mi-hitsy no olana sy tsy voafehin'ny fitondrana.

Tsy eo amin'izay sehatra fizarana vatsy hanohana ny sosialim-bahoaka izay ihany no nisy lesoka, fa tam'in'ny tranga hafa ihany koa. Mitaky rindran-damina mazava ny fitantanana-drahara kira toy izany, sy indrindra amin'ny fizarana vatsy ho fitsinjovana ny sosialim-bahoaka, mba tsy hisian'ny fiheveran'ny olom-pirenena familihana ankolafin'olona. Mitaky traikera sy fahaizan-drahara ihany koa anefa izany. Mila manana fitaovanampaisaina mahafehy izany ny tomponandraikitra isan-tsokajiny hatrany anivon'ny fokontany, ary tena fotoanan'izany izao vanim-potoana izao. Manana fitaovana, rindrambaiko, vonona amin'izany ny Vovonana Antso Fiarahamonina Kristiana (AFK), izay zarainy maimaimpoana amin'ny tomponandraikitra isan-tsokajiny eo anivon'ny fanjakana, na fikambanana samihafa, na hatrany anivon'ny fiangonana ihany koa aza. Mahafehy ny fitantanana ilain'izy ireo ny eo ampelatanan'ny AFK, izay manampahaizana malagasy ihany no nikaroka azy. Ny setriny izany fotsiny dia ny saran'ny fanofanana ireo izay hampiasa ilay fitaovana. Hoan'izay mila izany, dia mila manatona azy. Ny fifandraisana: 034 17 460 53.

Aris

ISAN-KERINTAONAN'NY TOBY LEHIBE ANKARAMALAZA

Nanome voninahitra ny FLM koa ny filoha Ravalomanana

Tontosa omaly 2 aogositra 2023 ny famaranana ny isantaona faha 82 ny Fifohazana ao amin'ny toby lehibe Ankaramalaza any amin'ny faritra Fitovinany iny. Vory lanona ireo mpino avy amin'ny Fiangonana Loterana Malagasy (FLM) manerana an'i Madagasikara, niaraka amin'ireo vahiny maro be tonga nanatrika ny fotoam-pifohazana tany antoerana, na kristiana tsy avy amin'ny FLM koa aza. Nandritra ny fotoambavaka lehibe dia miisa 435 ireo notokanana ho mpiandry. Ny tenin'ny so-ratra masina nanompanana ny fotoana dia ny Romana 4 : 7 " sambatra



Ny filoha Marc Ravalomanana, nandritra ny fotoam-bavaka lehibe tany Ankaramalaza omaly.

izay voavela ny helony sy voasarona ny fahotany ". Ny faharetana amin'ny fi-noana no ahazoana fa-

melan-keloka, araka ny toriteny masina nentin'ny mpanompony. Nahazo hery ireo mpino marobe

tonga tany an-toerana, anisan'izany ny filoha Marc Ravalomanana sy ireo mpiara-dia aminy. Na nandritra izy nitondra ny firenena, na amin'izao fotoana dia saika tsy tapaka manatrika izany isan-taonan'ny Fifohazana Toby Lehibe Ankaramalaza izany hatrany ny filoha nationalin'ny antoko Tiako i Madagasikara (TIM). Mpanao politika tazana tonga tany koa ny filoha teo aloha Hery Rajaonarim-pianina, ny mpandrindra nationalin'ny antoko HVM, Rivo Rakotovao. Tsimionkajfy rahateo ny Fiangonana Loterana Malagasy (FLM).

Helisoa

Fiainan'antoko

Tafajoro ny birao mpitantana ny Femme TIM distrikan' Antalaha

Tafajoro tamin'ity herinandro ity ny birao mpitantana ny Femme Tim, na ny Vehivavy TIM any amin'ny distrikan'Antalaha faritra Sava. Miisa 18 ny kaominina mandrafitra ny distrikan' Antalaha, samy nahatonga solon-tena avokoa ny andriambavilanitra avy amin'ireo kaominina ireo. Ny tanjona hoy izy ireo dia ny hamerina ny filoha Marc Ravalomanana eo amin'ny fitondrana indray, satra efa mijaly loatra ny Malagasy, ary ny filoha



Ny fivorian'ireo mpitarika Vehivavy TIM tany Antalaha faritra Sava.

Isambilo



Ny filohan'ny AFK, Ricky Andriamparany.

TONONKALO

PROPAGANDY ALOHAN'NY FOTOANA ?

Dimy taona nitondrana sy nanaovana letrezana, Vao mba miomana hanontany ny hetahetanay vahoaka ? Dia indreo fa ampaisaina ny eo ambany fifehezana, Mba hitetitely faritra fefa tsy ho tafavoaka ?

Angaha hanao propagandy no niantsoana an'izy ireny ? (Tsy izany velively sao dia diso ny asa marika !)

Fa ny mpiasam-panjakana dia voarara tsy hiteny Na hanao izay hampandany ny mpitondra na mpitarika !

Olom-panjakana ireny ka dia tsy baikoin'antoko, Sady tsy afaka hiandany na amin'izatsy na 'zaroa. Tsy azon'iza hovidiana sady tsy azo hosoran-doko. « Tsy miandany » raha fehezina amin'ny teny anankiroa !

Efa ho rendrika ny sambo, izay vao mody mba antsoina Sy ampiakarina ao anatin'ireo lazoin'ny hanoanana ? Efa tsy tanaty lisitra, efa tena nohadinoina Kanjo tamin'ny ora farany dia nanaovana hofatanana ?

...Tara loatra anie 'nareo fefa « any ambadik'i Sahondra » Ry miketrika ilay hoe « fotoam-piasana fanindroany » ! Aok'izay ny fomba ratsy, 'ndeja ihalao ny lohan'ampondra Fa ny gasy tsy hiverina aminao efa naloany !